



partii naleraq

Nuuk, Oktobarip aappaat 2017.

UKA 2017/23

Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2017-imeersoq

(Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoq)

Una inatsisissatut siunnersuut aallaaveqarpoq partii naleraq sinnerlugu oqaaseqartup Naalackersuisunut peqqusinissamik siunnersuuteqarneranik Inatsisartut 2016-imi upernaakkut ataatsimiinnitsinni. Uanilu pineqarluni Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6, imm. 3.-mut allanngutissatut siunnersuummik Naalackersuisut kingusinnerpaamik UKA2017-imi saqqummiussissasut Inatsisartuni aalajangiiffigisassaq akuersissutisaanniit, taamaalillutik sulisitsisut avataanit sulisunik atorfinitsitsinissamut imaluunniit sulisoqarissamut qinnuteqartut kommunip aalajangiussisimannginnerani ullut 14-it kingornatigut nammineq pisartutut akuersissummik pizarunnaassallutik.

Uani pingaarutilittut tunngaviuvoq maani nunaqartut suliffissaaleqisut avaqqutiinnarlugit ajornanngippallaamik avataaniit tikisitsisarnerujussuaq killilersimaarnerpaaffissaminiinnissaata qulakkeerneqarnissaa. Taamaattumik partii naleqqamiit nuannaarutigaarput massakkut inatsisinngorluni atuuttussanngornialermat, tamakkiisumillu taperserlugu oqaaseqarfigaarput aappassaaneerneqarnissaanullu ingerlateqqillugu

Qujanaq

Per Rosing-Petersen